



La tierza classa dil Consorzi dalla scola superiura da Glion fa ina jamna da project a Ruschein.

FOTO: J. BÜRKL



Giu cul tschof, en in onn eis el silmeins puspei aschi aults.

Resgiar collera enstagl seser davos il baun

Scolaras e scolar da Glion e contuorn ein s'engaschai el forestalesser

DAD ANDREAS CADONAU / ANR

■ **Brattau per ina jamna il rispli cun resgia, fintschel e sigir. Scolaras e scolar dil Consorzi dalla scola superiura da Glion e contuorn en sede-dicai per in'jamna alla lavur forestala.** «Quei ei in frastga dad in culeischen e quella cheu deriva dil fraissen.» Las explicaziuns dil meinaproject, Philip Würth, viers las scolaras ed ils scolar dalla tierza classa dil Consorzi dalla scola superiura da Glion e contuorn ein impurtontas. Ils scolar ein equipai cun resgias, fintschels e forschs da pumera per allontanar ils fraissens. Il culeischen denton duessan ils scolar schar crescer. «Tutta spinatscha ei medemamein buca d'allontanar». Per-suenter astgan scolaras e scolar sefatschentar intensivamein cun la collera. E quei cagliom crescha en abundanza ella vischinonza dalla ruina da Ruschein. En incumbensa dil Project uaul da muntogna lavuran ed instrueschan Philip Würth e ses collaboratur passas 35 scolaras e scolar per ina jamna ella lavur a favur digl uaul. «Nossa lavur da quest jamna san ins circumscriber sco tgira dalla cuntrada». Collera e fraissen prendan surmaun e lain buca pruir las plantas giavischadas sco per exempel il larisch. In pumer caracteristic ella vischinonza dalla ruina sur il vitg da Ruschein.

Tgirau igl uaul da ruver

In'ulteriura gruppa ei engaschada egl uaul da ruver sut il vitg. Quella gruppa deliberescha las seivs fatgas per schur-megiar las plantinas da ruver en viers las selvaschinas. Per part ein vegnidas con-



In resgia, tschel tauscha ed il fraissen sto ceder.

FOTOS: A. CADONAU

struidas seivs novas. Philip Würth ei fetg cuntents cun igl engaschi e la motivaziun da scolaras e scolar. El posseda dabia experienza cun jamnas da project cun scolar. Da diversas differenzas denter scolar dalla Bassa e quels da Glion e contuorn ha el fatg stem. Ina ga pertuccond igl equipament e lur era enaquella ch'ei setracta da semover ella cuntrada per part detg teissa. «Ins senta ch'ils affons sursilvans vivan tuttina pli datier alla natira». Dalla partida ein era stai entgins scolasts dil consorzi. Il meinascola Gieri Tschuor ha tractau malamein il cagliom da Ruschein cul fin-

tschel. El ha tradiu ch'il consorzi organiseschi dapi entgins onns tals camps da lavur egl uaul. Quellas jamnas da project porschien buca sulet als scolar novas investas el contuorn da lur vischnauncas. La rolla da scolast e scolar ordeifer il menaschi tradiziunal lubeschi novas perspectivas e autras investas entras la lavur communabla a favur dil forestalesser indigen. Als scolar para la lavur el cagliom da haver plaschiu. Se-futrai dalla lavur ein els en mintga cass buca. Malgrad ch'els ein mintgamai turnai la sera a casa detg stuncletai dalla lavur corporala.



Han attaccau la collera da Ruschein. Dania Sgier, Anica Jenny, Laura Panier ed Isa Huonder.



Ellas ha lu veramein luvrau ed ein buca sulet semessas en posa per la fotografia.

reclama



Doppelte Autokosten – ohne mich!

Ihre Stimme zählt!

Wählen Sie die autofreundlichen Kandidierenden ins Parlament: Liste unter www.cleverunterwegs.ch oder www.auto-schweiz.ch

»auto-schweiz
auto-suisse VEREINIGUNG SCHWEIZER AUTOMOBIL-IMPORTEURE
ASSOCIATION IMPORTATEURS SUISSES D'AUTOMOBILES



Il collaboratur dil Project uaul da muntogna ha instruiu sco derscher ina planta.